

ვოლოკოლამსკის მიტროპოლიტი ანტონი ანტიოქიის მართლმადიდებელი ეკლესიის წინამძღვარს შეხვდა



25 იანვარს ლიბანში, სამუშაო ვიზიტის ფარგლებში, მოსკოვის საპატრიარქოს საგარეო საეკლესიო კავშირების განყოფილების თავმჯდომარე, ვოლოკოლამსკის მიტროპოლიტი ანტონი, ბალამანდის უნივერსიტეტთან არსებულ წმინდა იოანე დამასკელის სახელობის საღვთისმეტყველო ინსტიტუტს ეწვია, სადაც იგი მიიღო დიდი ანტიოქიის და სრულიად აღმოსავლეთის უნეტარესმა პატრიარქმა იოანე X-მ.

შეხვედრას ესწრებოდნენ მოსკოვისა და სრულიად რუსეთის უწმინდესი პატრიარქის მრჩეველი, დეკანოზი ნიკოლოზ ბალაშოვი; სსკგ-ის თავმჯდომარის მოადგილე, დეკანოზი იგორ იაკიმჩუკი; ბეირუთში რუსეთის მართლმადიდებელი ეკლესიის მეტოქიონის წინამძღვარი, მოსკოვისა და სრულიად რუსეთის პატრიარქის წარმომადგენელი ანტიოქიის და სრულიად აღმოსავლეთის პატრიარქთან, არქიმანდრიტი ფილიპე (ვასილცევი); სსკგ-ის თავმჯდომარის მდივანი, მღვდელ

ნიკოლოზ ვასინი; ასევე საღვთისმეტყველო ინსტიტუტის დეკანი არქიმანდრიტი იაკობი (ხალილი) და რუსეთის ფედერაციის საგანგებო და სრულუფლებიანი ელჩი ლიბანის რესპუბლიკაში ა.ნ. რუდაკოვი.

მიტროპოლიტმა ანტონიმ ანტიოქიის მართლმადიდებელი ეკლესიის წინამძღვარს გადასცა ძმური მისალმება მოსკოვისა და სრულიად რუსეთის უწმინდეს პატრიარქ კირილესგან და სრული მხარდაჭერა მის უნეტარესობის მთელ მის სამწყსოსთან ერთად ამჟამინდელ რთულ პერიოდში.

ხანგრძლივი და გულითადი საუბრისას განხილულ იქნა ორმხრივი ინტერესის საკითხების ფართო სპექტრი, კერძოდ, ქრისტიანთა მდგომარეობა ახლო აღმოსავლეთში და მსოფლიოს სხვა რეგიონებში, ანტიოქიის და მოსკოვის საპატრიარქოებს შორის ძმური თანამშრომლობის შემდგომი განვითარების პერსპექტივები, მართლმადიდებელთაშორისი და ქრისტიანთაშორისი ურთიერთობების დღევანდელი მდგომარეობა.

ლოცვებში შეხვედრის მოხსენიების ნიშნად მიტროპოლიტმა ანტონიმ უნეტარეს პატრიარქ იოანეს წმინდა პანალია გადასცა.

შეხვედრის დასასრულს პატრიარქმა იოანემ სსკგ-ის თავმჯდომარისა და მისი თანმხლები პირების პატივსაცემად ვახშამი გამართა.



